

PRAVILA PRIVATNOSTI

Cilj Pravila privatnosti Federalnog zavoda za poljoprivredu Sarajevo (u daljem tekstu Zavod) je da, u skladu sa članom 14. Zakona o zaštiti ličnih podataka (u daljem tekstu Zakon), svim licima, čije lične podatke obrađuje, pruži osnovne informacije o toj obradi na transparentan način. Zavod poštuje privatnost svojih korisnika i posjetilaca web stranice. Ova Pravila privatnosti objašnjavaju na koji način prikupljamo, koristimo i štitimo lične podatke, u skladu sa Zakonom o zaštiti ličnih podataka Bosne i Hercegovine.

1. Svrha i pravni osnov za obradu ličnih podataka

Vaše lične podatke Zavod obrađuje u skladu sa članom 8. stav (1) tačka c) i e) Zakona, izvršavajući svoje stručne i druge poslove, zadatke iz nadležnosti Federacije BiH, kao i ovlaštenja propisana Zakonom. Navedeni zadaci i ovlaštenja uključuju:

- Ispunjavanje zakonskih obaveza i realizacija zakonom propisanih nadležnosti Zavoda;
- Organizaciju izvještajno-prognoznih službi u zaštiti bilja;
- Uzgojno-selekcijски rad u stočarstvu;
- Ispitivanje životnih namirnica;
- Kontrolu kvantiteta i kvaliteta poljoprivrednih proizvoda i njihovih prerađevina, mineralnih đubriva i sredstava za zaštitu bilja;
- Poslove iz oblasti kontinentalnog voćarstva, duhanske proizvodnje;
- Edukaciju farmera i brigu o zemljištu kao osnovnom prirodnom resursu na području kontinentalne klimatske regije, kao i druge biljne i stočarske proizvodnje koje su karakteristične za ovu regiju;
- Certificiranje sjemena i sadnog materijala poljoprivrednog bilja;
- Pružanje informacija i usluga putem web stranice;
- Informisanje javnosti o aktivnostima Zavoda

Vaše lične podatke Zavod obrađuje ispunjavajući svoje pravne obaveze, u skladu sa članom 8. stav (1) tačka e) Zakona u svrhu:

- Odgovaranja na upite, zahtjeve i komunikacija sa korisnicima usluga Zavoda;
- Odgovaranje na zahtjev o slobodnom pristupu informacijama;
- Slanja obavijesti i publikacija na osnovu pristanka korisnika;
- Postupka zapošljavanja u Zavodu

Direktor Zavoda donio je Pravilnik o provođenju Zakona o zaštiti ličnih podataka kojim se propisuju pravila i procedure za primjenu osnovnih načela zakonite obrade ličnih podataka u Zavodu, postupak davanja ličnih podataka korisniku i prijenos podataka u inostranstvo, pravila za ostvarivanje prava nositelja podataka, način i postupak vođenja evidencija propisanih Zakonom o zaštiti ličnih podataka, te postupak donošenja Plana sigurnosti podataka u Zavodu.

2. Koja su Vaša prava u vezi sa obradom ličnih podataka?

- **Pravo na prigovor** (Kada Vaše podatke obrađujemo u postupku po zahtjevu ili u postupku po službenoj dužnosti ili u postupku davanje mišljenja ili po nekom drugom pravnom osnovu).
- **Pravo na pristup svojim ličnim podacima** (U okviru ovog prava možete zatražiti detaljne informacije posebno o svrsi obrade, o vrsti/kategorijama ličnih podataka koji se obrađuju uključujući i uvid u svoje lične podatke, o primacima ili kategorijama primalaca, te o predviđenom vremenskom periodu u kojem će lični podaci biti čuvani. Pristup ličnim podacima može biti ograničen samo u slučaju kada je posebnim zakonom propisano ograničenje zbog poštovanja prava i sloboda drugih lica)
- **Pravo na ispravku ličnih podataka** (Imate pravo zahtijevati ispravljanje ili dopunjavanje ličnih podataka ako Vaši podaci nisu tačni, potpuni i ažurni. Napominjemo da je u zahtjevu potrebno navesti šta nije tačno, potpuno ili ažurno i u kojem smislu bi navedeno trebalo ispraviti, te dostaviti potrebnu dokumentaciju u prilog svojih navoda)
- **Pravo na brisanje** (Vaši lični podaci više nisu neophodni u odnosu na svrhu u koje smo ih prikupili ili obradili; ako se lični podaci obrađuju uz vašu saglasnost (član 8. stav (1). ili član 9. Zakona) i ako ne postoji drugi pravni osnov za obradu Vaših ličnih podataka; uložili ste prigovor na obradu svojih ličnih podataka, u skladu sa člankom 23. stav (1) Zakona, te ako ne postoje drugi pravni osnovi za obradu; lični podaci su nezakonito obrađeni;
- **Izuzeci za ostvarivanje prava na brisanje** (Radi ostvarivanja prava na slobodu izražavanja i informiranja; radi poštovanja pravne obaveze ili za izvršavanje zadataka u javnom interesu ili pri izvršavanju službenih ovlaštenja kontrolora; u svrhe arhiviranja u javnom interesu, u svrhe naučnog ili historijskog istraživanja ili u statističke svrhe, u skladu sa članom 56. stav (1), u mjeri u kojoj je vjerovatno da se pravom iz stava (1) može onemogućiti ili ozbiljno ugroziti postizanje ciljeva te obrade; ili radi postavljanja, ostvarivanja ili odbrane pravnih zahtjeva).

3. Prijenos ličnih podataka drugim kontrolorima podataka

Vaše lične podatke Zavod daje pružaocima informatičko - komunikacijskih usluga sa kojima je zaključio ugovor i koji poštuju pravila postupanja sa ličnim podacima. Vaše lične podatke Zavod može dati trećoj strani ukoliko je isto potrebno za izvršavanje zakonom propisanih obaveza treće strane ili ukoliko je to neophodno za izvršavanje legitimnih interesa treće strane. Takođe, Vaše podatke Zavod neće prenositi trećim licima u inostranstvu, osim ukoliko takva obrada nije neophodna na osnovu međunarodnog propisa ili ugovora koji obavezuje Bosnu i Hercegovinu ili ukoliko to nije neophodno u okviru posebnog postupka u vezi sa zaštitom prava na privatnost koje provodi neka od zemalja članica EU.

4. Sigurnost ličnih podataka

Vaše lične podatke Zavod obrađuje na način kojim se osigurava odgovarajuća sigurnost i povjerljivost kao i odgovarajuća primjena principa zakonite obrade ličnih podataka, smanjenje količine ličnih podataka, po principu neophodnosti, poštujemo vremenski period čuvanja ličnih podataka kao i njihovu raspoloživost.

Zavod primjenjuje tehničke i organizacione mjese zaštite u cilju sprječavanja neovlaštenog pristupa, gubitka ili zloupotrebe ličnih podataka (antivirusna zaštita, kontrola pristupa, redovno ažuriranje sistema i sl) koje su propisane u Planu sigurnosti ličnih podataka. Svi zaposleni u Zavodu su potpisali izjave o povjerljivosti ličnih podataka kojima pristupaju.

5. Vremenski period čuvanja ličnih podataka

Vaše lične podatke Zavod obrađuje u vremenskom periodu koji je potreban da se ispuni svrha njihove obrade. Nakon prestanka svrhe u koju su prikupljeni, vaši lični podaci se više ne koriste ali se čuvaju u arhivi onoliko vremena koliko obavezuju zakonski propisi o arhivskoj građi.

6. Promjene Pravila privatnosti

Zavod će redovno ažurirati Pravila privatnosti kako bi ista sadržavala tačne informacije. O svim izmjenama i dopunama bićete blagovremeno informirani, u skladu sa principom transparentnosti.

Za ostvarivanje prava možete se obratiti službeniku za zaštitu ličnih podataka na dole navedene kontakt podatke.

7. Podaci o službeniku za zaštitu podataka:

Tel: +387 33 774-230

e-mail: szzlp@fzzp.gov.ba

8. Kontakt informacije

Federalni zavod za poljoprivredu Sarajevo, Butmirska cesta 40., 71000 Sarajevo; tel: +387 33 774-230; fax: +387 33 637-601; e-mail: fzzp@fzzp.gov.ba